

## HIERONYMUS.

## EΥΣΕΒΙΟΣ.

## EUSEBIUS.

usque hodie ostenditur inter Medabam & Deblatai.

<sup>1</sup> JAZER, civitas Amorrhæorum in decimo lapide Philadelphie ad solis occasum trans Jordanem, quæ fuit terminus tribus Gad, extenditurque usque Aroër, quæ ipsa respicit usque Rabbam. Meminit urbis Jazer & Esaias in visione contra Moab, sed & Hieremias; fuit autem separata Levitis, & distat ab Esibon quindecim millibus, è qua magnum flumen erumpens à Jordane suscipitur.

<sup>2</sup> ICOC, fortis Nephthalim in confinio trium tribuum, id est, in tribu Zabulon ad Australe plagam; in tribu Aser ad Occidentem: Porro in tribu Juda ad solis ortum.

ICONIUM, urbs celeberrima Lycaoniæ, Plinio Lib. v. Cap. 27. Straboni Lib. xii. Ptolemæo, & aliis, esto quidam alii Cappadociæ vel Ciliciæ vel Phrygiæ videantur adscribere.

<sup>3</sup> IDUMÆA, regio Esau: quæ ex eo quod ille Edom vocabatur nomen accepit. Est autem circa urbem Petram, quæ nunc dicitur Gaba-lene.

<sup>4</sup> JEBATA, castra in solitudine filiorum Israël.

<sup>5</sup> JEBLAAM, in tribu Manasse, de qua alienigenas non valuit expellere.

JEBNAEL. Vide supra JABNEL.

JEBNEEL, in confiniis tribus Juda juxta mare, Jos. xv. v. 11. credi potest hæc confinia postea Danitarum fuisse, sed à Danitis minime possessa Philisthæis prævalentibus.

JEOC. Vide JABOCH.

αβίτιδος. καίτοι καὶ ἐν Ἰερεμία, καὶ δέκνυνται νῦν μεταξὺ Μηδαβὰ καὶ Δεβού.

Ἰαζήρ, πόλις τοῦ Ἀμορραίου ἀπὸ ἰσημείας Φιλαδελφίας πρὸς δυσμὰς ἐν τῇ νῦν περὶ αἰ τῆς Παλαιστίνης ὑπὲρ τὸν Ἰορδάνην, ἣ γέγονε Φυλῆς ὁ Δαν, παρατείνει δὲ ἕως Ἀροὲρ ἣ ἐστὶ κατὰ πρὸσωπον Ράββα. μέμνηται τῆς Ἰαζήρ Ἡσαΐας ἐν ὁράσει κατὰ Μωαβίτιδος, καὶ Ἰερεμίας, ἣ τις ἦν Λευίταις ἀφωρισμένη, διέστηκε δὲ τῆς Ἐσσεβὼν σημείοις ἰε', καὶ φέρεται ἐπ' αὐτῆς ποταμὸς μέγιστος ἐπὶ τὸν Ἰορδάνην ἐκ-πίπτων.

Ἰκόη, κλήρε Νεφθαλείμ, συν-ἀπτεῖ τῷ Ζαβουλὼν ἀπὸ τοῦ νότου, καὶ τῷ Ἀσέρ κατὰ θάλασσαν, καὶ τῷ Ἰούδα ἐξ ἀνατολῶν.

Ἰδουμαία, χώρα Ἡσαΐ, ἐξ αὐτοῦ παρωνύμως ὀνομασθεῖσα, ἐπεὶ περ αὐτὸς Ἐδὼμ ἐκαλεῖτο. ἐστὶ δὲ ἡ ἀμφὶ τὴν Πέτραν Γεβαλνὴν καλεσμένη, ἣ κατὰ τινα Ἀυσίτις χώρα τοῦ Ἰάβ. κατ' ἄλλον δὲ ἡ τοῦ Ἰάβ χώρα ἡ Ἀραβία ἐστίν. Ἄλλοι δὲ λέγουσιν, ὅτι ἡ χώρα τοῦ Ζηὼν αὕτη ἐστὶν ἡ χώρα τοῦ Ἰάβ.

Ἰεθαβαθὰ, ἐπὶ τῆς ἐρήμου σταθ-μὸς τῶν υἱῶν Ἰσραὴλ.

Ἰεβαλάμ, Φυλῆς Μανασσῆ, ἀφ' ἧς οὐκ ἐξῆγε τοὺς ἀλλοφύλους.

JASER, civitas Amorrhæi, in decimo lapide Philadelphie versus occidentem in ulteriori parte Palæstinæ ultra Jordanem, quæ fuit tribus Dan, & extenditur usque Aroër, quæ est in conspectu Rabba. Meminit Jaser Isaias in visione contra Moabitidem & Hieremias, quæ fuit separata Levitis; distat autem ab Esibon quindecim milliaribus, ex eaque fluvius maximus erumpit in Jordanem delabens.

ICOE, fortis Nephthali, contigua est forti Zabulon à meridie, & Aser è regione maris, & Juda ex orientali plaga.

IDUMÆA, regio Esau, ex eo deducto nomine appellata, siquidem ipse Edom vocabatur: est autem circa Petram (urbem) Gebalena dicta, quæ secundum quendam est Ausitis regio Job; secundum alium verò regio Job Arabia. Alii dicunt regionem Seon hanc esse regionem Job.

JETHABATHA, in deserto stativa filiorum Israël.

JEBALAM, tribus Manasse, de qua non suffulit alienigenas.

## NOTÆ.

1. Per Rabbam hîc, quam dicitur respicere Aroër, intellige Moab Rabbam, seu Moabitarum metropolim, alio nomine Ar dictam. Fuit Jazer, vel Jezer, vel Jaser (ita enim diversimodè in versione nostra scribitur) in tribu Gad, Num. 32. v. 35. Jos. 13. v. 25. Eademque Levitica civitas, Jos. 21. v. 37. & 1 Paral. 6. v. 81. Fuit, quantum colligi potest, in terminis Orientalibus tribus Gad juxta Ammonitas; etsi videri possit oppositum hîc docere vel Eusebius, vel Hieronymus, cum eam Philadelphie ad solis occasum statuat, è quibus verbis non parva difficultas nascitur de situ urbis Jazer, quam attigimus, Num. 21. v. 32. Sed meo judicio non omnino expeditimus: eam dante Deo expedire conabimur ad 2 Reg. 24. v. 6. De hac & supra in Azer dictum est. BONFRERIUS.

2. Hic locus Hucua in versione nostra appellatur, Jos. 19. v. 34. Porro quod hîc habetur esse in confinio tribus Juda, quod idem à Scriptura asseri videtur ibi supra, magnam difficultatem habet, quæ in commentario expenditur. IDEM.

3. Hæc Terræ Promissæ ad Austrum fuit: Porro hanc Idumæam Australem pulsis Horræis jam infederant posteri Esau, cum Israëlita ex Ægypto venerunt in Terram Promissam, ut è Scriptura manifestum est. Quando autem id sit factum, ut Idumæi Horræos sint aggressi, finibusque suis expulerint, cujus rei meminit Scriptura, Deuter. 2. v. 12, 22. obscurum est: non dubium tamen est id contigisse

quo tempore Israëlita versabantur in Ægypto: nam ante descensum in Ægyptum non potuerunt posteri Esau habere illas vires vel hominum multitudinem, quæ necessaria erat ad possessores antiquos ex Idumæa illa Australi expellendos, cum ad pauca capita tota posteritas Esau redigeretur. Ex quo necesse est Esau alibi & Idumæos habitasse, nempe in monte Galaad & adjuncta ei Galaaditide regione: (nam in illis regionibus habitabat Esau, cum Jacob ex Mesopotamia rediit) & in eadem regnasse Job antequam Idumæi ad Australem plagam concederent. Ex quibus colligo ad Gen. 32. v. 3. duplicem videri Idumæam statuendam, Australem unam, alteram Orientalem, in qua primum habitaverint Idumæi. IDEM.

4. Hæc mansio filiorum Israël in deserto in versione nostra Jethabatha appellatur, Num. 33. v. 33, 34. Deut. 10. v. 7. in quo postremo loco dicitur ibi esse terra aquarum & torrentium. IDEM.

5. De Jebalaam dimidia tribui Manasse Cis-Jordanicæ attributa habes, Jos. 17. v. 11. Quod autem ex ea pristinos habitantes non potuerint Manassita expellere, habetur Judic. 1. v. 27. Porro ex 4 Reg. 9. v. 27. colligi potest hanc Jebalaam non procul abfuisse Mageddo. IDEM.

6. Pro Δεβού, Debus habet Hieronymus Deblatai. IDEM.

7. Pro tribu Dan, repone tribum Gad, ut habet Hieronymus, & veritas exigit. IDEM.

1. Fuit